

痧脹玉衡卷之下

霍亂痧

樵李郭志遠右陶著

痛而不吐瀉者名乾霍亂毒入血分宜放痧新食宜吐久食宜消食消下結宜攻痛而吐瀉者毒入氣分宜刮痧不瘳視有痧筋則放宜調其陰陽之炁爲主須知腸胃食積宜驅不宜止止則益痛苦吐瀉而後痛者此因瀉糞穢氣所觸治宜略用藿香冷飲正氣然必須防食積血滯或消或攻或活血山藥茯苓不



可亂施燥溼之劑俱在所禁溫煖之藥未可亂投

### 治驗

一沈篆玉九月閒乾霍亂腹中盤腸大痛放痧三十餘鍼又王君先爲之刮痧不瘳余用寶花散加大黃凡清茶稍冷飲之而痊

一彭君明晚閒腹中大痛吐瀉數十次痛益甚延余診之左脈芤而滑右脈弦細而濇此宿食已從吐瀉而盡乃毒入血分血瘀作痛也放痧不瘳用獨活紅花湯圓紅散微溫飲之吐瀉腹痛少瘳次

日服前藥吐瀉腹痛俱已

一童敬橋內室吐瀉腹痛自刮痧服陰陽水痛益甚余用三香凡微冷飲之而安

### 絞痛痧

心腹絞絞大痛或如板硬或如繩縛或如筋弔或如錐觸或如刀割痛極難忍輕者亦微微絞痛脹悶非常放痧可愈若不愈必審脈證何因辨暑穢食積痰血所阻施治須連進數服俟其少安方可漸爲調理此證世多放痧數次不愈聽命於天不肯服藥遂至



痧毒攻壞臟腑，惟死而已。惜哉。

### 治驗

一廉齋朱先生夫人，夏月痧痛危急，刮痧放痧不  
愈，更易三醫，莫敢任事。舉家無措，宋臣王兄邀余  
往視。六脈微伏，治之未愈，其晚絞痛如前。明晨賢  
郎宗伊兄復邀余，右手脈伏，更放痧三十二鍼，兼  
刮痧，訖用寶花散、沈香、凡、清茶稍冷飲之，併用散  
痧解毒活血順氣之劑。親友尚恐無救，畱余俟飯  
後。坦君雲夏王兄曰：睡矣。何如？余曰：睡則神情已



定氣血漸和，殆將安。越翼日，乃瘳。

一賈公清作瀉，腹痛如繩絞，延余脈洪大數實，放痧不瘳，用烏藥順氣湯加大黃，下積而痊。

一故友麓庵朱兄夫人，公範母也，口吐痰涎，腹中絞痛，醫治沈重，六日不瘳，延余診之，左脈微伏，余曰：痧也，令刮之，少安，用藥不服，次日復昏沈，大痛，舉家驚惶，親戚填門，復延余，刺左中指一鍼，出毒血，兼令刮痧，不瘳，用降香、桃花散、沖砂仁湯，微冷送下，併用防風散痧湯，加山荳根、茜草、丹瀉、金銀



花山查蔔子稍冷服而安。茜音倩

一何君雅子正月盤腸絞痛延余脈伏令刮臍用  
沈香鬱金散稜朮湯冷飲之稍瘳黃昏時復絞痛  
非常叫喊不已復邀余用細辛大黃凡清茶微冷  
飲之又用紫朴湯而痊

### 脇痛痧

痧證不忌食物痧毒裹食結成痧塊於脇而痛其痧  
塊變證甚多故爲難治且治痧惟在初發若不識或  
飲熱湯毒血凝結卽慢痧不至脹急傷人亦成脇痛

瘵之日久勢必難散畏音執囊也

### 治驗

一朱子佩夫人身熱吐痰脇痛飲圓湯益喘嘔不  
已延余左脈洪數右脈似伏余曰痧也子佩刺其  
腿灣痧筋二鍼不瘵服童便喘嘔稍減余用阿魏  
凡大黃凡白湯微冷下身熱吐痰俱已又用必勝  
湯微冷下三服而痊

一王養初子佩母舅也吐痰脇痛悞吃圓肉放痧  
數次日久不瘵延余診之余辭不治以痧毒畏圓



中國醫藥大學圖書館藏

結成痧塊不可解耳。況日久攻壞臟腑雖藥無益。後易數醫變喉旁發腫而歿。

### 痧痢

夏傷於暑秋必瘧痢。痢疾初發必先泄瀉。腸胃泄瀉必致空虛。內虛則易感觸穢惡之氣。卽成痧痛。或天氣炎熱時行疫癘感動腸胃因積而發亦致痧痛。夫痢不兼痧積去之後便可得痊。卽甚凶極藥無不效。若一兼痧勢必絞痛異常祇治其痢用藥無效。或變痢如豬肝色。或變痢如屋漏水。或變痢爲血紅水。或

變噤口不食嘔噦凶危或變休息久痢歲月綿延常  
苦痢患余惟先治其痧兼治其積則痧消而積易去  
積去而痧可清凡遇痢疾如此治之無不奏功誠爲  
良法

### 治驗

一曾奉先七月閒發熱下痢血水日百餘次肛門  
急迫腹痛異常嘔噦不食延余治之六脈遲數不  
常或時歇指此痧痢也刮痧放痧訖痛乃減半用  
沈香阿魏凡砂仁湯稍冷飲之用當歸山查紅花

枳實赤芍澤蘭青皮蔔子枳榔各一錢熟大黃五  
分加童便一鍾稍冷飲二服痢下赤白甚多諸證  
俱癒

一余弟驤武下赤白痢日數十餘次腹中大痛大  
便窘迫余診之六脈微細放痧二十鍼又刮痧不  
癒用寶花散沈香阿魏凡稍冷湯飲之腹痛漸寧  
用當歸山查陳皮枳榔紅花烏藥各一錢熟大黃  
八分加童便飲之赤白俱下痛亦漸安後用當歸  
一兩山查二錢服之赤白痢全癒

一奚仲嘉內室腹中絞痛喘急氣逆余診六脈無根此痧脈也放痧不瘳用沈香阿魏凡砂仁煎湯稍冷飲之痛遂止次日小腹痛頻下痢赤白用當歸金銀花青皮陳皮烏藥山查蔔子加童便稍冷飲之漸希用當歸一兩服四劑而瘳

一吳瑞雲發熱脹悶沈重放痧後痢下紫血他醫以痧氣已清但治其痢勢在危篤舉家驚惶延余六脈洪大不勻此痧氣未清痧毒尚盛也令刮痧訖用當歸枳殼湯入童便冷飲之次以蘇木紅花

五靈脂茜草烏藥香附當歸赤芍以導其瘀乃安  
後發餘毒於肛門邊出膿而癒

### 蛔結痧

痧毒攻胃故蛔死入於大腸與宿糞相結腹中大痛  
是爲蛔結

### 治驗

一朱子佩女痧發痛極頭汗如雨延余診之脈芤  
而洪實放痧不出刮痧不起用細辛大黃凡微冷  
服又用荊芥銀花湯稍冷服又三日痧筋乃現放

之服藥如前腹痛不止至十九日日用藥加大黃  
大便下死蛔三條結糞亦下痛尤不止又現痧筋  
放之服前藥乃瘳

### 頭痛痧

痧毒中於臟腑之氣閉塞不通上攻三陽巔頂故痛  
入腦髓發暈沈重不省人事名眞頭痛朝發夕死夕  
發旦死急刺破巔頂出毒血以泄其氣藥惟破其毒  
氣清其臟腑爲主痧毒中於臟腑之血壅瘀不流上  
衝三陽頭面肌肉故肌肉腫脹目閉耳塞心胸煩悶



急刺破巔頂及諸青筋出毒血藥宜清其血分破其  
壅阻爲要

治驗

一張顯如頭痛發暈沈重六脈俱伏刺巔頂一鍼  
餘痧筋俱刺少甦復診其脈沈實而上魚際用清  
氣化痰飲冷服而安

一汪路真內室頭面紅腫發熱頭痛心胸迷悶診  
脈芤而疾刺左腿灣三鍼血流如注冷服紅花膏  
子半盃用蒲黃飲三劑而痊



心痛痧

痧毒衝心屬之於氣則時痛時止痰涎壅盛昏迷煩悶此其候也治宜刺手臂服順氣之劑爲主痧毒攻心屬之於血則大痛不已昏沈不醒此其候也治宜刺腿灣服活血之劑爲主遲則難救

治驗

一鄭延旦次子心中暴痛口吐痰涎迷悶不能出聲延余兩寸沈而伏關尺洪而緊刺痧筋二十鍼用烏藥順氣湯冷飲四劑而安



中医药大学图书馆藏

一嚴瑞宇三女飯時心中暴痛昏沈不醒日暮延  
余六脈已絕辭之次日而殂

### 腰痛痧

痧毒入腎則腰痛不能俛仰若悞飲熱湯熱酒必然  
煩躁昏迷手足搦搐舌短耳聾垂斃而已

### 治驗

一黃敬宇內室腰中大痛強硬如板悞飲熱酒發  
熱煩躁昏沈痰湧延余左尺虛微右尺洪實脈兼  
歇指痧中於腎也刺腿灣痧筋僅有紫黑血點不

流用降香桃花散微冷服痧筋腿灣復現刺二鍼  
血流如注又服二散痧退痛減調理而痊  
一伍恆生子腰痛放痧四次不痊沈重大痛連及  
胸脇延余左手無脈辭之六日而殂

### 小腹痛痧

痧毒入大小腸則小腹大痛不止形如板推絞絞不  
已治之須分左右二股屈伸爲驗

### 治驗

一盛成均子小腹大痛每每左臥左足不能屈伸